



partii naleraq

UPA2017/123

Aprilip 20-t 2017

Immikkoortup 123 siullermeerneqarnera:

**Uunga siunnersuut: Uunga siunnersuut: Oqaasiliortut pillugit Inatsisartut inatsisaat nr. xx, xx. xxx 2017-imeersoq.**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Partii Naleqqamiit Oqaasiliortut pingaaruteqarluinnartumik inissisimanerat Inatsisit § siulliani erseqqissaataammat issuaavigissuarput:

“§ 1. Naalakkersuisut pilersippaat Oqaasiliortut, siunertaralugit kalaallit oqaasiisa ataavartinnissaat, siuarsarnissaat aamma patajaallisarnissaat, aamma oqaatsit taakku kulturimik attassisutut attaveqatigiissitsisutullu atuuffii eqqarsaatigalugit.”

Tassungalu aamma ilanngullugu Namminersornermi Inatsimmi Kapitali 7, §20-mi allaqqasoq:

“Kalaallit oqaasii tassaapput Kalaallit Nunaanni pisortatigoortumik oqaatsit”

Partii Naleqqamilu qularinngilarput Oqaasiliortunut Inatsimmi pingarnertut § 1-ip Namminersornermi Inatsisip kapitali 7 §20-mut naapertuuttumik ingerlatsileralarutta/timitalersuileraluarutta pisariaqanngilluinnartumik oqallinnerpassuit aporaannerillu, inuiaqatigiit “inatsisaattutullusooq” inissisimalertarnerat pisariaarutissangaluartoq, tassami amerlangunaqaagut maani nunannguatsinni misigisut asuli tamakku inatsisit kusassaataannaasut atuuffeqanngitsut, kikkullu tamat oqartussaaqataanerat tunngavigalugu Inatsisiliortussanik qinersisartuulluta nammineq aalajangersakkagut inatsisiliagullu mangiarlugit aallartittariaqannginnatsigit. Taakku uani allannguutini aaqqinneqarsinnaappata qularineqassanngilaq uagut tamakkiisumik tamanna anguniagaq tapersissagatsigu.

Tassanilu allannguutitut siunnersuummi pisoqqamut sanilliullugu iluarsaanerit arlaqartut oqaatsigut pillugit inatsiseqarnitsinnut naapertuuppata soorunami aamma taamannak tapersiissuugut

Tassungalu iluatsillugu Oqaasiliortut kaammattorusunnarput timersornermi taaguutit (ukiormi kaajallallugu massakut annertusiartortumik aallakaatitssisoqartalernikuuvoq) nammineq oqaaseqarnitsinnut naapertuuttumik §1-mullu naapertuuttumik aaqqiisoqartariaqalerput, soorlu aamma tusagassiornerup silarsuaani oqaatsitta atornerqarnerat naammaginarturniingitsoq, imaluunniit oqarluannarluni atornerlunneqarnerat sukumiisumik iliuseqarfigineqartariaqalersutut uagut tungitsinniit isigingatsigu.

Soorlu aamma siunnersuutip akuerinngilaataani paaserusunnarpoq una quppernerit qulinganni immikkoortut arfernganni imatut allaqqasoq:



## partii naleraq

“Siunnersuut isumaqarpoq kalaallit oqaasii Oqaasiliortunit akuerineqaqqaartussaajunnaarneri, oqaatsinik atuinermi oqaatsit eqqortut ilaattut isigineqarsinnaassagunik.”

Tamanna qanorpiaq paasineqartariaqarpa aamma oqaatitsinnik atuinermi qanoq tamanna kinguneqassava?

Ulluni makkunanilu oqaatsitta inissisimaneri minnerunngitsumillu atorneqarneranni oqallineq maluginiagassaavoq. Tassunga atatillugu eqqaallattaqaara juullikkunni samit nunaanni IIsimatusarfimmi ilisimatuup oqaloqatiginerani oqaaseq atugaa tuluttut: “minoritized majority” – imatut nunatsinnut tulluuttumik kalaallisuunngortinneqarsinnaasoq – amerlanerussutillit oqartussaajakkat. Ukiorpasuarni pissutsit piviusut nipangiinnarluta taamaatsinnikuuat avissaartuuffiusumik. Massakkullu killiffitsinni eqqaamasariaqarluinnakkatta ilagaat maani siulersuatta nunasineraniit ukiuni tusintilikkaani tallimat missaani oqaatsitta sorlanikkiartoraarsimanerat allamiut oqaasiannut minnerpaamilluunniit sanilliunneqarsinnaanngimmat, soorlu Namminersorneq pillugu inatsimmi allaqqasoq – taamaassaarlu.

Taamatutaaq aamma tungitsinniit eqqaassuarput inuiaqatigiinniit ullut tamaasa saaffigineqartuaratta oqaatsigut pillugit nammineq nunannguatsinni takornartaannartut inissinneqartarnerup kingunerisaanik suliffeqarfinniik ilaluarisaalertarneq akuerineqarsinnaanngitsumik ersarissingaluttuinnarmat.

Taama oqaaseqarluta, naggataatigut eqqaqqillarput makku inatsisit timalimmik iliuuseqarfiginissaat allaqqussinnaanngitsutut isigingatsigu, qulaanilu oqaaseqaatigut tunngavigalugit ataatsimiitaliami aappassaaneerneqannginnermini sukumiisumik suliarineqarnissaa innersuussutigissavarput.

Qujanaq